

Erindisbréf fyrir fræðsluráð

Stjórnskipuleg staða

Fræðsluráð starfar í umboði bæjarstjórnar að fræðslu- og uppeldismálum samkvæmt lögum og reglugerðum er þar að lúta og því sem bæjarstjórn felur henni.

Skipan ráðsins

Í fræðsluráði eiga sæti fimm fulltrúar sem bæjarstjórn kýs til fjögurra ára, að afloknum sveitarstjórnarkosningum, samkvæmt sveitarstjórnarlögum nr. 138/2011 og samþykkt um stjórn og fundarsköp Vestmannaeyjabæjar nr. 991/2020. Á sama hátt eru kjörnir fimm fulltrúar til vara. Auk kjörinna fulltrúa á bæjarstjóri og áhreyrnarfulltrúar leik-, grunn- og tónlistarskóla rétt á að sitja fundi ráðsins, með málfrelsi og tillögurétt. Ráðið getur einnig boðið öðrum til fundar varðandi tiltekin mál.

Formaður og varaformaður eru kosnir af bæjarstjórn. Ritari fræðsluráðs er deildarstjóri fræðslu- og uppeldismála Vestmannaeyjabæjar.

Hlutverk

Hlutverk fræðsluráð er að fara með verkefni sem varða verksvið sveitarfélagsins varðandi fræðslu- og uppeldismál.

Ráðið hefur eingöngu heimild til þess að stofna til útgjalda á grundvelli gildandi ákvæða í fjárhagsáætlun sveitarfélagsins hverju sinni. Hafi afgreiðsla ráðsins í för með sér fjárútlát umfram áður veittar heimildir, skal slík afgreiðsla ætíð lögð fyrir bæjarráð og bæjarstjórn og öðlast hún ekki gildi fyrr en með samþykkt bæjarstjórnar.

Ráðið gerir tillögur til bæjarráðs og bæjarstjórnar og meðal hlutverka hennar er:

- Að fara með málefni er varða fræðslu- og uppeldismál og sinna stefnumótunarverkefnum í þeim málaflokkum hjá sveitarfélaginu.
- Að afgreiða áfrýjunar- og undanþágubeiðnir frá reglum um leyfi fyrir grunn- og leikskólavist í öðrum sveitarfélögum.
- Að afgreiða áfrýjunar – og undanþágubeiðnir frá reglum um leyfir fyrir grunn- og leikskólavist nemenda í Grunnskóla Vestmannaeyja eða leikskólum í Vestmannaeyjum sem eiga lögheimili utan Vestmannaeyja.
- Að afgreiða áfrýjunar- og undanþágubeiðnir frá reglum um leikskólavist.
- Að afgreiða áfrýjunar- og undanþágubeiðnir frá ákvörðunum um sérkennslutíma vegna sérkennslu í leik- grunnskólum og aðra sérþjónustu.
- Að afgreiða leyfi til daggæslu barna í heimahúsum og hafa jafnframt lögbundið eftirlit með þeirri starfsemi, þ.m.t. að svipta þá leyfi tímabundið, eins og kveðið er á um í

reglugerð um daggæslu barna í heimahúsum nr. 907/2005, sbr. einnig 34. gr. laga um félagsþjónustu sveitarfélaga nr. 40/1991 með síðari breytingum.

- Að veita undanþágur varðandi reglur um lengda viðveru.
- Aðrar afgreiðslur sem heyra undir lög og reglur um grunn- og leikskóla, lengda viðveru eftir skóla og aðra þá málaflokka sem heyra undir verksvið ráðsins og fjölskyldu- og fræðsluvið Vestmannaeyjabæjar.
- Að afgreiða styrkveitingar innan ramma fjárhagsáætlunar bæjarins til einstaklinga, félagasamtaka eða annarra lögaðila í þeim málaflokkum sem undir ráðið heyrir.
- Að fylgja eftir samþykkttri stefnu í málaflokkum ráðsins hjá sveitarfélaginu.
- Að vera ráðgefandi fyrir bærarstjóra, bæjarráð og bærarstjórn í þeim málaflokkum sem undir ráðið heyrir.
- Að yfirfara drög að fjárhagsáætlun vegna þeirra málaflokka sem undir starfssvið ráðsins heyrir og eftir atvikum koma með tillögur að breytingum.
- Að sjá um önnur þau verkefni sem bærarstjórn felur henni á sviði fræðslu- og uppeldismálum.

Ráðið skal leitast við að ná því grundvallarmarkmiði að tryggja að ákvarðanir hennar og athafnir séu ávallt í þágu allra íbúa sveitarfélagsins og að fulltrúar í ráðinu setji ávallt almannahagsmunum ofar öðrum hagsmunum.

Sé ráðinu ekki falið að taka fullnaðarákvörðun um mál, skv. lögum eða samþykkt um stjórn sveitarfélagsins, teljast ályktanir hennar tillögur til bærarstjórnar, enda þótt þær séu orðaðar sem ákvarðanir eða samþykktir ráðsins. Slíkar ákvarðanir þurfa því staðfestingu bærarstjórnar.

Starfshættir

Um starfshætti nefnda er fjallað í samþykkt um stjórn og fundarsköp Vestmannaeyjabæjar og skal þeim fylgt þar sem við á, s.s. um boðun funda, fundargerðir, stjórn á fundum, fundarsköp o.fl.

Fræðsluráð kemur saman fyrir luktum dyrum á fastákveðnum fundartíma, samkvæmt fundaáætlun. Skal ráðið gera samþykkt um fundaráætlun á sínum fyrsta fundi, að höfðu samráði við bærarstjóra. Sé um að ræða fund, sem ekki er gert ráð fyrir að sé á samþykkttri fundaráætlun, skal formaður tilkynna ráðsmönnum um áætlaðan fund eigi síðar en 5 sólahringum fyrir áætlaðan fund. Aukafundi skal halda eftir þörfum að ákvörðun formanns eða ef bærarstjóri eða a.m.k. þrír ráðsmenn óska þess.

Formaður ráðs sér um boðun funda. Fundarboðun skal vera skrifleg eða rafræn með tölvupósti, þar sem fundarstaður er tilgreindur, tími og dagskrá fundar. Fundarboð skal sent ráðsmönnum og öðrum sem seturétt hafa á fundum eigi síðar en tveimur sólahringum fyrir fund.

Fundur telst ályktunarhæfur ef meirihluti kjörinna ráðsmanna er mættur á fund. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla að jöfnu.

Formaður ráðsins skal halda bæjarstjóra upplýstum um störf ráðsins.

Eftirfylgni

Formaður ráðsins skal snúa sér til sviðsstjóra fjölskyldu- og fræðsluviðs með eftirfylgni staðfesta samþykktu ráðsins.

Réttindi og skyldur ráðsmanna

Um réttindi og skyldur aðal- og varamanna í ráðinu gilda ákvæði sveitarstjórnarlaga og samþykktar um stjórn og fundarsköp Vestmannaeyjabæjar eftir atvikum.

Ráðsmanni er skylt að sækja fundi nema lögmæt forföll hamli. Skal hann tilkynna forföll til fundarboðanda og óska eftir því að varamaður verði boðaður.

Hver ráðsmaður á rétt á að koma máli á dagskrá fundar, enda skilar hann efni þess til ráðsformanns a.m.k. þremur sólarhringum fyrir fund.

Fundarmenn skulu hafa almannahagsmuni og hag sveitarfélagsins að leiðarljósi við ráðsstörf sín en eru ekki bundnir af öðru en sannfæringu sinni, lögum og samþykkt um stjórn og fundarsköp Vestmannaeyjabæjar í atkvæðagreiðslu um málefni á vegum ráðsins.

Fulltrúar í ráðinu og þeir sem sitja fundi hennar eru bundnir þagnarskyldu. Óheimilt er að greina frá ummælum einstakra fundarmanna á fundum. Sama gildir um atriði sem aðilar fá vitneskju um og leynt skulu fara eðli máls samkvæmt. Þagnarskylda helst þó að látið sé af störfum.

Ráðsmaður skal víkja af fundi við umræður og afgreiðslu mála sem varða hann sjálfan, skyldmenni hans eða nána venslamenn svo mjög að ætla má að það móti viljaafstöðu hans að einhverju leyti.

Ráðið tekur ákvörðun um hæfi ráðsmanns. Ráðsmaður sem hlut á að máli tekur þátt í atkvæðagreiðslu um hæfi sitt. Ráðsmaður sem er vanhæfur til meðferðar máls má ekki taka þátt í meðferð þess eða hafa áhrif á það með öðrum hætti og skal ávallt yfirgefa fundarsal við meðferð þess og afgreiðslu.

Lög og reglugerðar

Í störfum sínum skal ráðið taka mið af þeim lögum og reglugerðum sem undir starfssvið hennar heyrir, s.s.lög um grunnskóla nr. 91/2008, lög um leikskóla nr. 90/2008 og lög um fjárhagslegan stuðning við tónlistarskóla nr. 75/1985Þá skal nefndin fylgja samþykkt um stjórn og fundarsköp Vestmannaeyjabæjar nr. 991/2020.

Samþykkt í bæjarstjórn